

odredbi ovog zakona od strane javnog partnera ili privrednog društva koje realizuje projekat JPP-a, podnosi sudu nadležnom za prekršaje prijedlog za pokretanje prekršajnog postupka.

Član 33.

(Novčane kazne)

(1) Novčanom kaznom od 1.500,00 do 15.000,00 KM kaznit će se za prekršaj javno tijelo, ako:

- postupi suprotno odredbama člana 10. ovog zakona;
- ne dostavi Komisiji prijedlog ugovora o JPP-u, uključujući priloge koji čine njegov sastavni dio, kao i saglasnost Ministarstva finansija odnosno nadležne službe jedinice lokalne samouprave na konačni prijedlog ugovora, i sklopljeni ugovor o JPP-u sa svim dodacima, kao i izmjene ugovora i svih priloga, u rokovima koje propisuje Pravilnik o sadržaju i načinu vođenja Registra ugovora o JPP-u (član 17. stav (1) i član 25. stav (1));
- ne dostavi Komisiji na njezin zahtjev, ili ne dostavi u ostavljenom roku, dokumentaciju u skladu sa Pravilnikom o nadzoru provedbe projekata JPP-a (član 18. stav (1));
- ne dostavi Komisiji prijedlog projekta i popratnu dokumentaciju, i saglasnosti i mišljenje nadležnog resornog i finansijskog organa, u skladu sa Pravilnikom o kriterijima ocjene i odobravanja projekata JPP-a (član 21. stav (1));
- ne primijeni model JPP-a za koji se Komisija odlučila (član 22. stav (3));
- pokrene postupak izbora privatnog partnera prije ili suprotno odluci Komisije (član 23. stav (2));
- u izboru privatnog partnera se ne pridržava odredbi Pravilnika o utvrđivanju osnovnih kriterija i postupaka za izbor privatnog partnera, ili u javnom pozivu ne objavi sve elemente propisane članom 24;

(2) Novčanom kaznom od 500,00 do 3.000,00 KM kaznit će se odgovorno lice javnog tijela, odnosno javnog partnera za prekršaje iz stava (1) ovog člana.

POGLAVLJE VII. PRELAZNE I ZAVRŠNE ODREDBE

Član 34.

(Donošenje podzakonskih i drugih pravnih akata)

(1) Vlada će na prijedlog Komisije najkasnije u roku od 90 dana od dana stupanja na snagu ovog zakona donijeti:

- Pravilnik o educiranju učesnika u postupcima pripreme i provedbe projekata JPP-a iz člana 13. tačka g) ovog zakona;
- Pravilnik o sadržaju i načinu vođenja Registra ugovora o JPP-u iz člana 17. ovog zakona;
- Pravilnik o nadzoru provedbe projekata JPP-a iz člana 18. ovog zakona;
- Pravilnik o kriterijima ocjene i odobravanja projekata JPP-a iz člana 20. ovog zakona, i
- Pravilnik o utvrđivanju osnovnih kriterija i postupaka za izbor privatnog partnera iz člana 24. ovog zakona.

(2) Vlada će na prijedlog Ministarstva finansija, najkasnije u roku od 90 dana od dana početka primjene ovog zakona, donijeti Pravilnik o davanju saglasnosti za sklapanje ugovora o JPP-u iz člana 21. ovog zakona.

Član 35.

(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Tuzlanskog kantona", a primjenjuje se od 1.1.2013. godine.

Bosna i Hercegovina
-Federacija Bosne i Hercegovine-
Tuzlanski kanton
Skupština
Broj: 01-02-283-13/12
Tuzla, 29.11.2012. godine

Predsjednik
Skupštine Tuzlanskog kantona
Sladjan Ilić, v.r.

908

Na osnovu člana 24. stav 1. tačka c) Ustava Tuzlanskog kantona („Službene novine Tuzlansko-podrinjskog kantona“, br. 7/97 i 3/99 i „Službene novine Tuzlanskog kantona“, br. 13/99, 10/00, 14/02, 6/04 i 10/04) i člana 24. Zakona o budžetima u Federaciji Bosne i Hercegovine („Službene novine Federacije Bosne i Hercegovine“, br. 19/06, 76/08, 5/09, 32/09, 51/09, 9/10, 36/10, 45/10 i 25/12), na prijedlog Vlade Tuzlanskog kantona, Skupština Tuzlanskog kantona, na sjednici održanoj 29.11.2012. godine, donosi

O D L U K U

o davanju saglasnosti na Izmjene i dopune Finansijskog plana Zavoda zdravstvenog osiguranja Tuzlanskog kantona za 2012. godinu

Član 1.

Daje se saglasnost na Izmjene i dopune Finansijskog plana Zavoda zdravstvenog osiguranja Tuzlanskog kantona za 2012. godinu.

Član 2.

Sastavni dio Izmjena i dopuna Finansijskog plana Zavoda zdravstvenog osiguranja su i Izmjene i dopune Operativnog programa zdravstvene zaštite i zdravstvenog osiguranja za 2012. godinu.

Član 3.

Ova odluka stupa na snagu danom donošenja i bit će objavljena u „Službenim novinama Tuzlanskog kantona“.

Bosna i Hercegovina
-Federacija Bosne i Hercegovine-
Tuzlanski kanton
Skupština
Broj: 01-02-636-4/12
Tuzla, 29.11.2012. godine

Predsjednik
Skupštine Tuzlanskog kantona
Sladjan Ilić, v.r.

909

Na osnovu člana 77. Zakona o osnovnom odgoju i obrazovanju („Službene novine Tuzlanskog kantona“, br. 6/04, 7/05 i 17/11), i člana 115. Zakona o srednjem obrazovanju i odgoju („Službene novine Tuzlanskog kantona“, broj: 17/11), Vlada Tuzlanskog kantona, na sjednici održanoj dana 23.11.2012. godine, d o n o s i

U R E D B U

o izmjenama i dopunama Uredbe o polaganju stručnog ispita u ustanovama osnovnog i srednjeg obrazovanja na području Tuzlanskog kantona

Član 1.

U Uredbi o polaganju stručnog ispita u ustanovama osnovnog i srednjeg obrazovanja na području Tuzlanskog kantona („Službene novine Tuzlanskog kantona“, broj: 9/12), u članu 5., u stavu (1) riječi „otpočinjanja pripravničkog/volonterskog staža“ zamjenjuju se riječima „podnošenja prijave za polaganje stručnog ispita“.

Član 2.

U članu 7., iza stava (4), dodaje se novi stav (5), koji glasi:
„(5) Pripravnik/volonter sa završenim dvopredmetnim studijima, bira jedan nastavni predmet, naveden u diplomi, za koji ostvaruje program stažiranja i polaže stručni ispit, a koji će se priznati kao položen stručni ispit za oba predmeta.“

Član 3.

U članu 10., iza stava (3), dodaju se novi stavovi (4) i (5), koji glase:

„(4) Saglasnost za osposobljavanje po prilagođenom programu, daje Ministarstvo obrazovanja, nauke, kulture i sporta Tuzlanskog kantona (u daljem tekstu: Ministarstvo).

(5) Troškove osposobljavanja i troškove polaganja stručnog ispita snosi lice koje se osposobljava po programu iz prethodnog stava.“

Član 4.

U članu 11., iza tačke b), dodaje se nova tačka c), koja glasi:

„c) položenu pedagoško-psihološku i metodičko-didaktičku grupu predmeta“.

Član 5.

U članu 12., stavu (4), iza tačke m), dodaje se nova tačka n), koja glasi:

„n) saglasnost Ministarstva za angažovanje volontera“.

Član 6.

U članu 13., u stavu (5), iza riječi: „kantona“, stavlja se tačka, a ostali dio teksta se briše.

Član 7.

Iza člana 13., dodaje se novi član 13a., koji glasi:

„Član 13a.

(Troškovi ostvarivanja pripravničkog/volonterskog staža)

(1) Troškove ostvarivanja pripravničkog staža snosi škola sa kojom je pripravnik zaključio ugovor o radu na određeno vrijeme.

(2) Troškove ostvarivanja volonterskog staža snosi škola, kao korisnik budžetskih sredstava, koja je preuzela obavezu prijema volontera na stažiranje.

(3) Lice kojem je na lični zahtjev upućen školi, data saglasnost za obavljanje volonterskog staža, snosi troškove volonterskog stažiranja.“

Član 8.

U članu 23., u stavu (1), tačka c) mijenja se i glasi:

„c) od 1. maja do 31. maja“.

U stavu (2), broj „15“ zamjenjuje se brojem „7“.

Član 9.

U članu 31., iza stava (2), dodaje se novi stav (3), koji glasi:

„(3) Lica koja su u skladu sa ranijim propisima bila oslobođena od obaveze polaganja stručnog ispita, a koja nemaju dokaz da su oslobođeni polaganja stručnog ispita, mogu u skladu sa ovom uredbom Zavodu podnijeti pismeni zahtjev za oslobođanje s odgovarajućom dokumentacijom, o čemu se donosi rješenje.“

Član 10.

Ova uredba stupa na snagu danom objavljivanja u „Službenim novinama Tuzlanskog kantona“.

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A
Broj: 02/1-34-25390/12
Tuzla, 23.11.2012. godine

PREMIJER KANTONA
Sead Čaušević, v.r.

(„Službene novine Federacije Bosne i Hercegovine“, broj: 75/11), na prijedlog ministra zdravstva Tuzlanskog kantona, Vlada Tuzlanskog kantona, na sjednici održanoj dana 01.11.2012. godine, d o n o s i

ODLUKU

o izmjeni Odluke o Listi lijekova koji se propisuju i izdaju na teret sredstava Zavoda zdravstvenog osiguranja Tuzlanskog kantona

Član 1.

U Odluci o Listi lijekova koji se propisuju i izdaju na teret sredstava Zavoda zdravstvenog osiguranja Tuzlanskog kantona („Službene novine Tuzlanskog kantona“, br. 2/12, 10/12 i 11/12) u A Listi lijekova (u tabelarnom pregledu prema ATC klasifikaciji) na rednom broju 11. ATC- A07EC02 – mesalazin – u koloni „Cijena bez PDV-a“ umjesto broja „39,8000“ treba da stoji broj „59,51000“.

Član 2.

Ova odluka stupa na snagu danom donošenja i bit će objavljena u „Službenim novinama Tuzlanskog kantona“.

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A
Broj: 02/1-37-11639-2/12
Tuzla, 01.11.2012. godine

PREMIJER KANTONA
Sead Čaušević, v.r.

911

Na osnovu članova 5. i 29. Zakona o Vladi Tuzlanskog kantona („Službene novine Tuzlanskog kantona“, br. 17/00, 1/05, 11/06 i 13/11), člana 83. stav 1. Zakona o lijekovima („Službene novine Federacije Bosne i Hercegovine“, br. 51/01 i 29/05) i člana 5. Odluke o Listi lijekova koji se propisuju i izdaju na teret sredstava Zavoda zdravstvenog osiguranja Tuzlanskog kantona („Službene novine Tuzlanskog kantona“ br. 2/12, 10/12, 11/12 i broj: 02/1-37-11639-2/12 od 01.11.2012. godine) na prijedlog ministra zdravstva Tuzlanskog kantona, Vlada Tuzlanskog kantona, na sjednici održanoj dana 01.11.2012. godine, donosi

ODLUKU

o izmjenama i dopunama Pozitivne liste lijekova Tuzlanskog kantona

Član 1.

Ovom odlukom utvrđuje se izmijenjena i dopunjena Pozitivna lista lijekova Tuzlanskog kantona koja sadrži lijekove koji se mogu propisivati i izdavati na teret sredstava Zavoda zdravstvenog osiguranja Tuzlanskog kantona, a koja je sastavni dio Odluke o Pozitivnoj listi lijekova Tuzlanskog kantona („Službene novine Tuzlanskog kantona“, broj: 10/12).

Član 2.

Početkom primjene ove odluke prestaje da važi Odluka o izmjenama i dopunama Pozitivne liste lijekova Tuzlanskog kantona broj: 02/1-37-11642-1/12 od 31.08.2012).

Član 3.

Ova odluka stupa na snagu danom donošenja, primjenjivat će se osmog dana od dana donošenja i bit će objavljena u „Službenim novinama Tuzlanskog kantona“.

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A
Broj: 02/1-37-11642-2/12
Tuzla, 01.11.2012. godine

PREMIJER KANTONA
Sead Čaušević, v.r.

910

Na osnovu članova 5. i 29. Zakona o Vladi Tuzlanskog kantona („Službene novine Tuzlanskog kantona“, br. 17/00, 1/05, 11/06 i 13/11), člana 83. stav 1. Zakona o lijekovima („Službene novine Federacije Bosne i Hercegovine“, br. 51/01 i 29/05), a u vezi sa tačkom IX. Odluke o Listi esencijalnih lijekova neophodnih za osiguranje zdravstvene zaštite u okviru standarda obaveznog zdravstvenog osiguranja u Federaciji Bosne i Hercegovine